

BOSNA I HERCEGOVINA  
FEDERACIJA BOSNE I HERCEGOVINE  
GRAD LUKAVAC  
GRADONAČELNIK  
SLUŽBA ZA KOMUNALNE I  
INSPEKCIJSKE POSLOVE  
Broj: 04-04-1582/23  
Lukavac, 22.05.2023. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14 i 59/22) i Preporuke Komisije za provođenje postupka javne nabavke broj: 04-04-1582/23 od 19.05.2023. godine u otvorenom postupku nabavke opreme za održavanje javne rasvjete, Pomoćnik Gradonačelnika Službe za komunalne i inspeksijske poslove d o n o s i

## **O D L U K U**

### **o izboru najpovoljnijeg ponuđača za nabavku opreme za održavanje javne rasvjete**

#### **Član 1.**

Prihvata se preporuka Komisije za provođenje postupka javne nabavke broj: 04-04-1582/23 od 19.05.2023. godine i Ugovor – Okvirni sporazum za nabavku opreme za održavanje javne rasvjete dodjeljuje ponuđaču KOP I KO D.O.O. ŽIVINICE, koji je dostavio ponudu broj: 19-4/23 od 26.04.2023. godine, za ponudenu cijenu u vrijednosti od 65.000,00 KM bez PDV-a i rokom plaćanja od 60 dana od dana prijema fakture.

#### **Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 04-02-1277/23 od 24.03.2023. godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 85.400,00 KM.

Broj obavještenja na portalu javnih nabavki: 719-1-1-18-3-56/23 objavljeno 12.04.2023. godine i „Službenom glasniku BiH“ br: 26/23 objavljeno 14.04.2023. godine.

Komisija za provođenje postupka nabavke imenovana Rješenjem broj: 02-04-1647/23 od 14.04.2023. godine, dostavila je Pomoćniku Gradonačelnika Službe za komunalne i inspeksijske poslove Zapisnik o pregledu i ocjeni ponuda broj: 04-04-1582/23 od 19.05.2023. godine, Preporuku o izboru najpovoljnijeg ponuđača broj: 04-04-1582/23 od 19.05.2023. godine i Izvještaj o radu broj: 04-04-1582/23 od 19.05.2023. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno 7 (sedam) ponuda;
- da nije bilo neblagovremeno zaprimljenih ponuda;
- da su ponude ponuđača DEMA & S D.O.O. MOSTAR, NV-INVEST D.O.O. SARAJEVO, KOP I KO D.O.O. ŽIVINICE, NEXEN D.O.O. BANJA LUKA, SPOTLIGHT D.O.O SARAJEVO, TUZEX D.O.O. TUZLA i ERING D.O.O. ŽIVINICE kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način,

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 85.400,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena ..... 98 %
- b) Rok plaćanja..... 2 %

Ponuđač KOP I KO D.O.O. ŽIVINICE, dostavio je prihvatljivu ponudu sa cijenom u iznosu od 65.000,00 KM bez PDV-a i rokom plaćanja 60 (šezdeset) dana od dana prijema fakture, te je primjenom kriterija ekonomski najpovoljnije ponude isti osvojio 100,00 bodova.

Zbog naprijed navedenog odlučeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac – Služba za komunalne i inspeksijske poslove, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

**Dostaviti:**

1. KOP I KO D.O.O. ŽIVINICE
2. TUZEX D.O.O. TUZLA
3. SPOTLIGHT D.O.O SARAJEVO
4. DEMA & S D.O.O. MOSTAR
5. NV-INVEST D.O.O. SARAJEVO
6. ERING D.O.O. ŽIVINICE
7. NEXEN D.O.O. BANJA LUKA
8. Arhivi



PO Ovlaštenju Gradonačelnika  
Pomoćnik Gradonačelnika  
(ovlaštenje broj: 02-30-92/22 od 07.03.2022.)  
Mirela Bubić, dipl.pravnik.